


BOSNIĆ



MISTERIJE



ATLANTIDA

Najveća misterija svijeta

ELEKTRONSKA
BIBLIOTEKA

Umjesto predgovora

Atlantida!

Možda nijedna tajna nije tako dugo gicala i rasplamsavala maštu istraživača i arheologa.

Za njom su tragali stari Egipćani, željeli su je da otkriju Feničani, tragali su za njom vješti grčki i rimski moreplovci, pokušavali su je locirati srednjovjekovni avanturisti, o njenom sjaju je maštao čovjek koji je legendarnu Troju pretvorio u stvarnost - Hajnrih Šlimain (Heirich Schliemann).

Stotine ekspedicija, samo u prošlom i pretprošlom stoljeću, odlazile su na put, gonjene silnom nadom da će je otkriti.

Nisu je otkrili.

San je ostao netaknut.

Jesu li katastrofalni potresi ili veliki tektonski poremećaji, kojih je bilo u dugoj geološkoj povijesti naše planete, zauvijek sa sobom odnijeli tajnu Atlantide?

Kada i gdje je nestala hipotetička civilizacija, koja je, kako mnogi tvrde, cvjetala prije više od deset hiljada godina?

Atlantida!

Je li uopšte postojala?

Na ovo pitanje pokušali su da odgovore preko 25.000 autora knjiga koje su izašle u prošlosti i daleko veći broj arheologa, geologa, geofizičara, prirodnjaka ..., naučnika najrazličitijih profila, zanesenjaka i fantastičara. Ali, njenom otkriću nisu mnogo doprinijeli. Nisu ni mogli, jer Atlantida je ona čudesna čarolija što mašti daje neslućena krila. Ona je poput dragulja skrivenog ispod sedam mora...

Prije nego sam odlučio i sam da napišem knjigu o Atlantidi, u mnogim zemljama - Grčkoj, Egiptu, Libanu, Siriji, Jordanu, Izraelu, Iraku, Indiji, Kini, SSSR-u ... - obilazio sam muzeje i privatne zbirke antikviteta, sastajao se sa arheolozima, razgovarao sa piscima, vodio dijaloge o Atlantidi, o njenom položaju, sudbini i kobi, o tome da li je konačno postojala, ili su je izmislili Solon i Platon. Kroz moje ruke prošla su i mnoga svjedočanstva i sadržaji koji su govorili o sjajnoj civilizaciji koja se poput bljeska ugasila "u jednom jedinom danu i jednoj jedinog noći".

Umjesto uvoda u ovu knjigu želio sam, svakako, da objavim jedan zanimljiv, ozbiljan, naučni razgovor s čovjekom kojeg kao naučnika, historičara i arheologa neobično cijenim.

Moj sagovornik je, dakle, profesor dr. Enver Imamović, koji na Filozofskom fakultetu u Sarajevu predaje istoriju starog vijeka, odnosno povijest antičkih civilizacija. Dr. Imamović je izvanredni poznavalac vremena u kojem je nastala fantastična saga o Atlantidi. I sam je mjesecima tragao po bjelosvjetskim muzejama, starim arhivima i bibliotekama Indije, Egipta, Grčke, Maroka, Vatikana..., potajno se nadajući da će otkriti nešto, neki nagovještaj, neki blijedi putokaz u kom pravcu da krene u potrazi za drevnim izgubljenim civilizacijama. U centru i njegovog interesa je - Atlantida!

Dr Imaimović spada među one ljude i naučnike koji su zaljubljeni u svoj poziv i koji mu predano služe. Upoznali smo se prije tridesetak godina na jednom međunarodnom naučnom skupu. Sjećam se, u tri dana za govornicom su se smjenjivali naučnici svjetskog kalibra kao što su profesor dr. Hari Rupe (Hary Rupje), ili konstruktor NASA (Nacionalna administracija za svemirska istraživanja u SAD), Jozef F. Blumrih (Josef F. Blummch), ali najupečatljiviji utisak ostavilo je predavanje dr. Imamovića. Tema: “Civilizacije praskozorja čovječanstva”!

Dr. Imamović pripovijeda na zanimljiv način. Nudi prave argumente. Postavlja prave dimenzije okvirima u kojima treba, komadić po komadić, uklapati sjajni mozaik o Atlantidi.

- Kao profesor istorije starog vijeka, vjero vatio ste često u prilici da razmišljate o nestalim civilizacijama naše prošlosti. Razmišljate li o staroj tajni - Atlantidi?!

- Da. Atlantida je možda najatraktivnije pitanje kada se govori o zagonetkama davne prošlosti naše planete. Ona je zaokupljala pažnju i jednog od najvećih umova čovječanstva, Platona - i, upravo zahvaljujući njemu, pitanje Atlantide je dobilo - naučne dimenzije.

- Platon je vjerovao u ono što je zapisao u svojim djelima”Timej” i “Kritija”...

- Prva Platonova saznanja o Atlantidi potiču od grčkog filozofa, atinskog zakonodavca Solona, koji je storijsku o nestaloj zemlji saznao od egipatskih mudraca negdje oko 583. godine prije nove ere, u provinciji Saitika, u gradu Sais, u Delti. Kako je poznato, egipatska civilizacija je jedna od najstarijih na svijetu i čuvala je mnoge zapise o tajnama čovjeka, vezanim za njegovu najdrevniju prošlost. Od svih pniča, koje su čuli u Egiptu, Solona, a ka-snije i Platona, najviše je zainteresiralo kazivanje o nestaloj zemlji - legendarnoj Atlantidi.

Jesu li oni, doista, vjerovali da je Atlantida istorijska činjenica, dakle, da je postojala?

- Prema izvornog građi može se kazati da je Platon zaista vjerovao u njeno postojanje. Staviše, on je u svom dijelu i tačno naznačio gdje se ona, zapravo, nalazila (Atlantik), opisao je njenu civilizaciju i, konačno, nestanak. Dabome, svoju priču Platon temelji na autentičnim dokumentima, kao što su zapisi na glinenim pločicama i kamenim stupačima, koje je imao priliku i sam da vidi u Egiptu.

- Osim Platona, da li su i ostali antička filozofi vjerovali u postojanje Atlantide?

- Najveći broj ih je vjerovalo. Međutim, bilo je i suprotnih mišljenja. Jedan od protivnika teze o postojanju Atlantide bio je Aristotel, ali treba znate da su Aristotel i Platon bili nepomirljivi protivnici. Sasvim je, dakle, moguće, a ja vjerujem da je upravo tako i bilo, da je iz nesklonosti prema Platonu, Aristotel osporavao i postojanje Atlantide!...

- Atlantida je bila veoma popularna tema i u srednjem vijeku...

- Tačno. Uostalom, to dokazuje i činjenica da je najviše djela, posvećenih ovoj drevnog zagonetka, napisano upravo u razdoblju srednjeg vijeka. To, dakako, nije ni čudo, jer prva i najveća geografska otkrića ponukana su pričama o tajanstvenim i bogatim zemljama pradavne prošlosti. Gotovo svi istraživači, pomorci, kraljevi i pustolovi tog vremena, u kome je zlato bilo vrednije i od ljudskih života, željeli su prvi da se domognu tih legendarnih zemalja. Ne, naravno, zarad novih saznanja, već zbog zlata i drugih dragocijenosti o čemu su pripovijedale stare pripovijesti...

- Da li ima neke međusobne veze otkriće Amerike sa pričama o Atlantidi?

- Zanimljivo je da je naučni svijet tog vremena bio u

početku uvjeren da je Kristofor Kolumbo (Christophor Columbus) otkrio Atlantidu. Međutim, zabuna ipak nije dugo potrajala, jer, konačno, činjenica je da je Platon jasno zapisao da je Atlantida nestala davno, u strašnoj katastrofi, i da njene tragove treba tražiti pod morem.

- Rekoste, katastrofa!? Šta je, zapravo, po vašem mišljenju, uništilo Atlantidu?

- Prema najstarijim egipatskim zapisima ze mlja je nestala u jednom strašnom danu i jednoj strašnoj noći. Prilikom stravičnog potresa i u silnim vulkanskim erupcijama.

- U svojoj zanimljivoj knjizi “Sve o Atlanti - stare teze, nova istraživanja”, austrijski inženjer i istraživač Oto Muk (Otto Muok) tvrdi da je Atlantida uništena u trenutku pada nekog ogromnog tijela - Planetoida A - u Atlantik, da li je to moguće?

- Moguće je, naravno, ali ni Muk niti bilo ko drugi to ne može stopostotno da dokaže...

- Kada je Atlantida dobila prave dimenzije naučnog pristupa?

- Već sa devetnaestim stoljećem pitanju hipotetičnog kopna se počinje da pristupa sasvim naučno, a već tada postoji i posebna naučna disciplina zvana atlantidologija, koja interdisciplinarno pristupa rješavanju ovog nesvakidašnjeg pitanja. U proteklom periodu objavljeno je više hiljada naslova posvećenih rješavanju tajne nestale Atlantide, ali je vrlo malo onih koji imaju naučni sadržaj.

- Prema nekim podacima, Hajnrih Šliman (Heinrich Schlimann), Čovjek koji je san o Troji pretvorio u stvarnost, vjerovao je da je na tragu Atlantide. Da li je smrt ovog čuvenog arheologa i istraživača spriječila rješavanje drevne misterije?

- Na ovo pitanje, slušao sam različite odgovore, ali lično ne vjerujem u to.

- Ipak, svojevremeno je pisamo da je Šliman u Troji otkrio jednu vazu koja je, navodno, bila prastari poklon kralja Atlantide?

- To je, jednostavno, nemoguće, jer bi se, očito, radilo o istarijskom anahronizmu. Konačno, prema Platonu, kako i sami znate, Atlantida je nestala oko devet hiljada godina prije postojanja Troje.

- U prošlosti, istraživači su tragali za Atlanti dom na različitim mjestima. Žak Iv Kusto (Jacques-Yves Cousteau) i mnogi drugi prije njega, tragali su za njom u Egejskom moru. Neki su je tražili na Kavkaskom goru, sjevernoj Africi, na Cejlonu, u Južnoj Africi, Brazilu, na Bermudskim otocima, na Azorima, na ostrvu Helgolandu, u Švedskoj, pa čak i na krajnjem sjeveru. Kako to objašnjavate?

- To je sasvim razumljivo, jer da se pouzdano zna gdje se nalazila, ne bi ni postojao problem njenog otkrivanja. Ovako, istraživači se razlikuju po svojim hipotezama...

- Ipak, za njom se tragalo gotovo širom naše planete?

- To je tačno. Međutim, bilo je to, po mom mišljenju, sasvim suvišno, jer sam Platon sasvim određeno kaže da se nalazila na prostoru današnjeg Atlantskog okeana, po čemu je, konačno, Atlantik i dobio svoje ime.

- Prije nekoliko godina jedna američka naučna ekspedicija, pod rukovodstvom profesorice Meksajn Ašer (Meksim Asher), izazvala je svojevrsnu senzaciju. Istražujući Atlantik u blizini španskih obala, oko Kadiza (Cadis), objavila je da je otkrila ostatke nestale civilizacije. Kakvo je vaše mišljenje o tome?

- Zemlja krije ostatke mnogih nestalih civilizacija. Otuda, svako novo otkriće pobuđuje nadu da je pronađena Atlantida. Takav je slučaj bio i sa ekspedicijom gospođe Ašer...

- Ugledni grčki arheolog, akademik Marina tos, s